

noa iho, e tu mokemoke ana, e tata ana hoki ki Piritoria. No te mea tonu kua ara te rau o te patu, katahi ano ka hangaia he parepare; ko nga pu-repo he tawhito katoa, otira ko te mahunga o Pawera nui ake i enei mea. I hangaia e ia he tereina whawhai hei tai-awhio i te taone, hei kaupare atu i te hoa-riri. I tino karapotiia taua taone e te Poa, otira kore rawa i uru mai i a Pawera. Ko te Poa kei waho, ko te piwa ko te mate-kai kei roto. He hoiho, he kaihe, na reira i whakaroa nga ra; e tukua ana ki ia tangata, ki ia tangata, i ia ra, i ia ra, te wahi tuawha o nga kai e rite ana mana mo te ra kotahi. Na te tamariki, na te wahine te tino riri, otira kaore he tangi, he jamumu a te waha heoi ano he whakamomori tonu. Ka paku mai nga pu-repo nunui a te Poa ka tangi te whakaputanga o te kai-matere; rite tonu te taramitanga o te wahine o te tamariki ki roto i o ratou rua, ano he papaka te rite. He maha nga ope i haere ki te whakaora i Mawhekiangi, ahu mai ana i te hauraro, ahu atu ana i te tonga; te ope nana i whakaora he ope i haere huna, i ahu atu i Kimari. I mau ano i a Pawera etahi tino apiha o te Poa. Kua ora a Mawhekiangi, a ka maaha, ka hari, te ngakau; ko te tino kororia ia hei te tino marohirohi, hei te tangata i kiia nei e te iwi mangumangu kaore ana moe, ara hei a:—

KANARA PATENE-PAWERA.

Kua puta te whakanui a te Kuni i a Kanara Patene-Pawera, ara, kua whakaturia ia hei Meia-Tianara. "Na, houtu nga mea i tika ki te katoa: te honore ki te tangata i tika ai te honore."

HE INOI MO TE WA O TE PAKANGA.

He mea whakarite na te Wiremu, Pihopa o Waipua, kia kororotia i roto i nga Whare-karakia.

Mo mna ake i te Inoi o Karihotema.

E te Atua Kaha rawa, ko koe te Rangitira o nga kingitanga katoa e nga iwi, mna e mutu ai te pakanga i nga wahi katoa o te a. He inoi tenei na matou ki a koe kia whakamatua wawetia te whawhai ki te pito ki te tonga o Awherika. Whakabaerea e koe te nanakia o te tangata hei mea e puta ai tau e pai ni, e neke haere ai tou kingitanga; hohoro tia hoki te wa e kore ai tetahi iwi e hapai hoari ki tetahi iwi, e mutu ai hoki te ako ki te whawhai; tukua mai tenei he whakaaro ki te mahi pai, ki te mahi wawao, a te Rangitira o te Rongomau, a tau Tama, a to matou Ariki, a Ihu Karaiti. *Amine.*

HE WHAKAMAUMAHARA KIA HEMI PUUTU.

He nui whakaharahara te pouri i pa mai kai matou i to matou rongonga kua moe i te moenga roa a Hemi Puutu, Kai-whakawa, i te po o te Mane te 14 o nga ra o Mei, i tona whare i Makaraka. I haere ia i runga i te rangimarie, i te koha-kore, i whakamakukuria tona huarahi ki nga roimata o te iwi,— o te iwi pakeha, o te iwi maori. Haere ra e koro! Ka ngaro koe i nga huarahi o Kihipane, ka kore koe e kitea ki to taumata ki Manukokako, kua wehe atu koe i nga tirohanga kanohi o Ngati-porou. I pai tou wehenga atu, ko te aroaroatanga, ko te pouri ka waiho iho ki muri nei, ki to hoa wahine, ki to whanau, ki te iwi nui katoa.

No tona hokinga mai i Waipua ka pangia ia e te taru-whenua, no muri iho ka whakauru tetahi atu mate. E 70 ona tau i tona matenga. He kauwhau i te Rongo Pai ki te iwi maori te take i haere mai ai a Puutu i Ingara iwi ki Niu Tireni. No te pikarutanga o te whawhai ki Whanganui ka riro herehere ratou ko tana whanau i te hauhanu; i whakaorangia ai ratou na te pai o tetahi rangatira tai-tamariki, o Hori Patene. I te whawhai ki Hiruharama, i roto o Whanganui, na Puutu ratou ko etahi Maori i tiki he paura, i runga waka, i te taone e 50 maero te tawhiti. Na konei i ora ai nga Maori o te taha Kawanatanga, kua pau haere hoki nga paura. Na runga i tona kaha, i tona mata, ka whakanuia ia e te Kawanatanga, ka whakaturia hei Kai-whakawa. I tino rite tenei kaumatua hei Kai-whakawa mo tenei takiwa, ara i runga i tona mohio ki te reo me nga tikanga maori. Ki a ia e mara ana nga Komiti Maori. Ko wai ka hua, ko wai ka tohu, e pera ranei te Kai-whakawa hou, auake ranei; tera pea ia ka tu mai he "Parao ke kaore nei e mohio kia Hohepa."

Ka whati ra e taku rau ko taku
Taku arai riri ki te nui o te kino.

Nga hui e tau i roto o Wa iapu
He huinga whare nui hei au anake ra.